



Universitätsbibliothek Paderborn

**Vita S. Erphonis, Mimigardefordensis Avt
Mimmigernefordensis Nvnc Monasteriensis Episcopi, In
Ordine & Nvmero Septimi Decimi**

Boichorst, Albert

Monasteri[i] Westphaliae, 1649

Capvt IV. De obitu Friderici Episcopi, & quo Anno eidem S. Erpho
successerit.

urn:nbn:de:hbz:466:1-13197

C A P V T Q V A R T V M.

*De obitu Friderici Episcopi, & quo Anno eidem
S. ERPHO successerit.*

ANNO Domini 1085. pio & liberali Antistite Mimigardefordensi Friderico, piè vitâ functo, Successor eius, iam antea, vti infra probabimus, designatus, omnium votis petitus, declaratus & renunciatus fuit S. ERPHO, eoque maiori omnium gaudio & applausu receptus, quo munere Episcopali magis dignum fuisse, sancta & humilis eius vita & conuersatio, postmodum demonstrauit.

Hoc verò Anno, Friderici mortem & in principio sequentis, Successoris eius surrogationem contigisse omnino statuendum ac firmandum, duo originalia huius Sancti Diplomata in Archiuo Abbatiae Fricconhorstensis Diœcesis nostræ asseruata, manifestum faciunt, illogum enim Diplomatum originaliter à me visorum & lectorum, subscriptio est talis.

Et primi quidem.

Actum Mimigarford in Camerâ Episcopi, Anno Domini Incarnationis millesimo, octogesimo sexto, Indict. viiiii. iii. Calendas Ianuarij.

Anno verò Ordinationis Domini ERPHONIS Episcopi primo fæliciter, Amen.

Secundi verò.

Actum Fricconhorst, Anno Dominice Incarnationis millesimo, 90. Indictione xiiii. iiii. Nonas Septembri, Anno Ordinationis meæ quinto fæliciter, Amen.

Ex quo necessariò sequitur Anno supra memorato 1085. Fridericum mortuum, & Successorem eius in principio in sequentis Anni ordinatum fuisse. 1. Intervim & illud ex utroque Diplomate certum est, Fridericum tribus Annis ante 1088. in quem aliqui ipsius obitum referre volunt, cum vitâ Episcopatum in hac terra deseruisse. 2.

NOTÆ

AD CAPVT QVARTVM.

1. In principio anni 1086. S. ERPHONEM consecratum fuisse Episcopum omni dubio carere existimo, eo quod in Diplomate suo primo, tertio Calendas Ianuar. que est 30. Decembr. Anno 1086. erecto, dicat, se tum temporis adhuc fuisse in Anno consecrationis sue primo, & in allegato alias manuscripto inueniatur, ipsum 3. Idus Ianuarij, & quidem Anno 1085. partem Occidentalem Monasterij Transaquensis consecrasse. In quo quamvis erratum esse existimem, ideo quod illo Anno adhuc Fridericus Episcopus vixerit, & S. ERPHO iuxta proprium ipsius testimonium, illo tempore nondum consecratus fuerit, attamen illum errorrem, salvo interim cuiuscunque melius sentientis judicio, in manuscriptis incuria scribentium, praesertim in eis reformandâ, à tempore illo, quo cifrae usus ab Arabibus ad nos pervenit, de quo suprà memini, illapsum, ut facillimè contingere potest, atque plerumque solet, corrigendum, ac ideo quoad consecrationem Ecclesiae Transaquensis, pro annis 1085. 1086. 1087. & 1088. putarem ponendos esse, Annos 1086. 1087. 1088. & 1089. Quod si fiat, omnia plana & expedita sunt, debuitq; tali casu S. ERPHO intra 30. Decembr. Anni 1085. & 11. Ianuar. Anni 1086. necessario consecratus fuisse Episcopus, quod vtique est in principio istius anni.

2. Habet D. Doctor Gigas, piae memorie, in suo Catalogo Episcoporum Monasteriensium hæc formalia; Fridericus I. Marchio Misnie, è suo Patrimonio fundavit insigne Collegium S. Maurij extra muros, in quo sepultus Anno 1088. Ego sanè de sepulturâ factâ nihil disputare volo, sed Fridericum Anno 1085. mortuum esse, & Anno 1088. S. ERPHONEM iam tribus Annis Episcopatum administrasse, supra euidentissimè probatum est; vnde cuiusvis censuræ & judicio submittit, an existimandum sit, illo praesertim seculo, sepulturam Episcopi ad tres Annos & ultra dilatam fuisse.

CAPVT QVINTVM.

De Canonica assumptione & sublimatione S. ERPHONIS
in Episcopum Monasterensem, & quod Schismaticis
non adhaerit, sed semper in communione

S. Sedis Apostolicæ fidelis
permanserit.

Probabile autem validè est, Fridericum iam senescentem, Catholicum omnino, & in communione S. Sedis Apostolicæ fidelissimè perseverantem, ut potè à S.